



Public Affairs Office
of the
U.S. Consulate General
Calcutta

মার্কিন বাতা

AMERICAN CENTER 38-A, Jawaharlal Nehru Road, Calcutta 700 071
Tel: 2288-1200 (7 Lines) Fax: 033-2288-1616/9460 E-mail: pacal@state.gov

বিশেষ সংবাদ

২১ ডিসেম্বর ২০০৪

বিদ্যুৎ ক্ষেত্রে ২৫ হাজার ভারতীয় কর্মী প্রশিক্ষণে মার্কিন সহায়তা

নয়াদিলি-- আগামী কয়েক বছর ধরে ভারতের বিদ্যুৎ ক্ষেত্রে ২৫ হাজার কর্মীর আধুনিক প্রশিক্ষণে প্রয়োজনীয় সব রকম সহায়তা যোগাবে মার্কিন যুক্তরাষ্ট্র। ভারত-মার্কিন সম্পর্কে ধারাবাহিক উন্নতির ক্ষেত্রে এটি হবে এক উল্লেখযোগ্য পদক্ষেপ। অন্তর্জাতিক উন্নয়ন সংক্রান্ত মার্কিন সংস্থা (ইউএসএআইডি) এবং ভারতের বিদ্যুৎ মন্ত্রক যৌথ ভাবে এই প্রশিক্ষণ কর্মসূচী রূপায়ণ করবে। বিদ্যুৎ ক্ষেত্রে ভারতের সামগ্রিক প্রগতির পথে এই পদক্ষেপ যথেষ্ট গুরুত্বপূর্ণ।

ইউএসএআইডি-র অন্তর্গত বিদ্যুৎ বন্টন সংস্কার, আধুনিকীকরণ এবং পরিচালন প্রকল্পের অঙ্গ হিসাবে এই কর্মসূচীর সুচনা করা হয়েছে। এর পরিপ্রেক্ষিতে বন্টনের সময় বিদ্যুতের অপচয় যেমন ঠেকানো যাবে তেমনই বৃদ্ধি করা যাবে বিদ্যুৎ সরবরাহের মান ও নির্ভরযোগ্যতা। এছাড়াও আর্থিক ও বাণিজ্যিক কুশলতা বাড়িয়ে গ্রাহক সন্তুষ্টি বৃদ্ধি করা যাবে।

ইউএসএআইডি-র অংশীদার কোর ইন্টারন্যাশনাল এবং ১০ টি ভারতীয় প্রশিক্ষণ কেন্দ্রের মধ্যে স্বাক্ষরিত আনুষঙ্গিক চুক্তির পরিপ্রেক্ষিতে সারা দেশের বিভিন্ন বিদ্যুৎ প্রকল্পের সঙ্গে যুক্ত ইঞ্জিনিয়ার, টেকনিশিয়ান এবং পরিষেবা ম্যানেজাররা আগামী বছরের জানুয়ারি থেকেই প্রয়োজনীয় এই আধুনিক প্রশিক্ষণ গ্রহণ করতে পারবেন।
